

GWICH'IN GUUVEENJIT NITR'IGWIHÈÈ'AA EENJIT NADHÀT KAT
DAGWEEDI'IN' DIIYAH GUGWAANDAK GWI'DINEHTŁ'ÈÈ'

Gwich'in

Nan Eenjit Łagwiinaadhan Tr'igwiłtsaii

April 1, 2015 – March 31, 2018



Jii nihk'it tr'igwahahtsaa geenjit gahvidandà' gwiiniindhan jì' internet kak
communicationspublications@canada.ca danh tr'igwahnah'a`h.

www.canada.ca/crown-indigenous-relations-northern-affairs

1-800-567-9604

TTY only 1-866-553-0554

QS-5395-300-EGW-A1

Catalogue: R31-9/2018EGW-PDF

ISBN: 978-0-660-30530-1

©Gwiyah'at Choo Chit, Canada geenjit gwits'at k'adagwidaadhat, 2019.


NIJÌN GWIDINITHITŁ'OO

Nigwan Tr'igwitsaii Gwidinithit'oh	3
Gwich'in Nàn Eenjit Łagwiinaadhan Tr'altsaii Gugwink'òo'	5
Tr'igwidinuut'oo Ihłak: Tr'igwinah'in ts'at Dagweedi'in'	6
Nits'òo Nigwihee'aa Geenjit Diiyah Tr'igwaandak.....	7
Gugwidint'oo Neekaii: Gwizhìt Gwihèe'aa Geenjit Gwich'in Eenjit Nadhàt Kat	9
Gwich'in Gwichit Kat	9
Northwest Territories Eenjit Iisrits'at Chit Kat	9
Canada	9
Gugwidint'oo Tik: Dagweedi'in' Eenjit Gwidinithit'oh	10
Gwitr'it Gwitsaii Geenjit Diiyah Tr'igwaandak	10
Gwitr'it Eenjit Gadiit'oonahntan Gitr'igwii'aii	10
Gwich'in Gè'tr'oonahntan Eenjit Łinatr'aadal (Gè'tr'oonahntan Gwitoh Gwiniindhat Gugwitr'it).....	11
Gwich'in Gè'tr'oonahntan Gwi'dineht'èe'	12
Jidii Gwijiinchii Gòonlih	13
1. Nagwidadhat Ihłak Dagweedi'in' Geenjit Diiyah Tr'igwaandak.....	13
2. GCLCA Ihłak Tr'igwitsaii	14
3. GCLCA Ejùk Natr'gwitsaii	14
4. Yukon Gwinagoo'ee ts'at Gwa'àn Tr'igwich'in Tseedhòh T'agijahch'uu Gwizhìt Tr'igwinah'in Gwidagwidij'è' – Dagweedi'in' Geenjit Diiyah Tr'igwaandak	15
5. Nihkchah Gwizhìt Gugwinah'in Eenjit Jilch'eii	15
6. Tseedhòh Dàgwahchii Tr'altsaii Gwizhìt Gugwinah'in	16
7. Nacho Nyak Dun Dinjii Zhuh Hàh Gigjikhii.....	17
8. Nan Nihjeh Tr'igwahtsaii	17
Gwitr'it Nihlinehch'i'	18
1. Yeendòo Gwich'in Eenjit Dagwiheedyaa K'eejit Natr'igwahtsaii (2013-2023)	18
2. Gwich'in Nan Nits'òo T'atr'ahdahch'aa Gwi'dineht'èe'	19
3. Nan Gwijiinchii Ts'at Guk'andehtr'inahtih	19
4. Gwich'in Nàn Geenjit Łagwiinaadhan Tr'igwitsaii Gugwahnàh'ah	20
Tseedhòh Geenjit	20
1. Nan Kak Jidii T'atr'ahdahch'aa Geenjit Nadhàt Kat.....	20
2. Geenjit Nadhàt Kat Gwizhìt Gugwinah'in' Eenjit Diiyah Gugwàandak	21
3. Gwizhìt Gwihee'aa Gwitsèedhòo'	21
4. Yukon Gwinagoo'ee Geenjit Łagwiinaadhan Nitr'ihee'aa Gwitsèedhòo'	21
Appendix A – Gwizhìt Gwihee'aa Gwitsèedhòo'	22

NIGWAN TR'IGWIŁTSAIL GWIDINITHITŁ'OH

AiP	Yeendòo Gugwihee'aa Gwi'dinehtł'èe
CIMP	Iisrits'at Diiyeenjit Ejùk Gòonlii Guk'andehnahtii Gugwitr'it
CIRNA	Gwiyah'at Choo Eenjit – Dinjii Zhuh Eenjit ts'at Canada Gwizhìt Ak'oh Nành Kak Geenjit Gwitr'it T'agwah'in Kat
EIA	GNWT Gwizhìt Dinjii Zhuh Eenjit Guk'andehnatii Kat
GAP	Gwich'in Eenjit Gjikhii Kat
GCLCA	Gwich'in Nàn Eenjit Łagwiinaadhan
GLUPB	Gwich'in Nàn Nits'òo T'atr'ahdach'aa Geenjit Nàdhat Kat
GLWB	Gwich'in Nàn ts'at Chuu K'andehtr'inahtii Eenjit Nàdhat Kat
GNWT	Northwest Territories Eenjit Iisrits'at Chit Kat
GRRB	Nan Gwi'ejiich'ii T'atr'ijahch'uu Guk'atr'inahtii Eenjit Nàdhat Kat
GSA	Gwich'in Nàn Eenjit Łagwiinaadhan Tr'igwiłtsaii
GSCI	Nits'òo Gwich'in Yi'èenoo Nihkhah Gugwiindài' Geenjit Gòo'ail
GTC	Gwich'in Gwichìt Kat
IC	Gwizhìt Nigugwihèe'aa Eenjit Nadhàt Kat
IP	Gwizhìt Nigugwihèe'aa Gwi'dinehtł'èe'
MACA	Kaiik'it Guk'atr'inahtii (Geenjit Gòo'ail) (NWT Gwichìt Kat)
MOU	Nihk'it Gwiiniindhan Gwi'dinehtł'èe'
MVEIRB	Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijlzhii Kat
MVRMA	<i>Nàgwìchoonjik Gwinagòo'ee Datthàk Guk'àndehnahtii Guudàgwidjji'è'</i>
NWT	Northwest Territories
ROD	Dagwiiniindhan Gwi'dinehtł'èe'
SRBA	<i>Nan Kak Gwi'ejiich'ii T'atr'ahdach'aa Eenjit Nadhat Gwidagwidjji'è'</i>
YESAA	<i>Yukon Gwinagoo'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjji'è'</i>

GWICH'IN NÀN EENJIT ŁAGWIINAADHAN TR'AŁTSAII GUGWINK'ÒO'



Tr'igwinah'in ts'at Dagweedi'in'

April 22, 1992 d'ài', Gwich'in Eenjit Iisrits'at Chit kat ts'at Canada Eenjit Iisrits'at Chit kat Gwich'in Nàn Eenjit Łagwiinaadhan gugwiłtsaii ts'at Gwizhìt Gugwihee'aa Gwi'dineht'ee chan gwakak diguuzri' gidinuut'oh. Northwest Territories Eenjit Iisrits'at Chit Kat jii łagwiinaadhan gwizhìt gwiheelyaa geenjit diits'at tr'igiinjii, jii geenjit guugwitr'it nihfinehch'i' goo'aih. Jii łagwiinaadhan December 22, 1992 gwizhìt gò'ài tr'igwiłtsaii.

Jii łagwiinaadhan tr'igwiłtsaii gwizhìt, Gwich'in kat nan kak 22,329 kilometers agwahchii guust'an heelyaa tr'igwiłtsaii ts'at nan t'eh gò'ài 6,158 kilometres agwahchii chan guust'an heelyaa jii NWT gwizhìt gò'ài guust'an tr'igwiłtsaii, aii geeghee Yukon gwizhìt nan kak 1,554 kilometres agwahchii chan guust'an heelyaa tr'igwiłtsaii.

Łagwiinaadhan tr'igwiłtsaii jii chan iisrits'at gwizhìt goo'aih:

- Gwich'in kat nin kagiheedyaa guuveenjit gò'ài ts'at nin tr'ookat tr'igwahtsaii geenjit akwàa gehdeenjaa tr'igwiłtsaii.
- Nin guk'andeh tr'ahnahtyaa ts'at nan, chuu hàh guk'andeh tr'ahnahtyaa geenjit jilch'eii gugwahahtsaa guuveenjit goo'aih.
- GCLCA gwinjik Gwich'in diiyeenjit chit tr'iheedilyaa guuheendal guuveenjit goo'aih.
- 1990 d'ài' Gwich'in kat tseedhoh 75 million agwahchii guust'an tr'alts'aih aii gwizhìt nagwidadhat 15 iindoo 141 million diits'an tr'alts'aih.

Kheenjit chit tr'iheedilyaa geenjit tr'igiheekhyaa ts'at tr'igwahahtsaa jii GCLCA chan gwizhìt goo'aih.

GCLCA gwizhìt, section 28.2 gò'ài gwinjik, juudin jii łagwiinaadhan nitr'igwihee'aa guuheendal geenjit gò'aih, (IC) guutr'ahnuu. Jii Gwich'in IC gwizhìt iisrits'at diiyeenjit nadhat tik goonlih: ihłak Canada eenjit nadhat, ihłak GNWT eenjit nadhat ts'at ihłak Gwich'in kat eenjit nadhat.

GCLCA ts'at IP gwizhìt goo'ài gwinjik jii IC diiyeenjit gwitr'it t'igugwah'in ts'at jidii gwiiniindhan kwaa jii GCLCA gwinjik diiyeenjit gwiinzii natr'igwahtsaii gwitr'it t'igugwah'in. IC kat nits'òo jii łagwiinaadhan gwitr'it gweedhaa nagwidadhat ihłak gwizhìt geenjit diiyah gugwaandak.

Diiyah gugwaandak gwizhìt nagwidadhat tik gwitr'it gwizhìt gò'ài, jii t'at April 1, 2015, March 31, 2018 dageedi'in' gwizhìt gò'ài. Jidii gwitr'it tr'igwiłtsaii, jidii diiyeenjit gwiinzii kwaa ts'at geenjit dagweedi'in' ts'at yeendòo dagwiheedyaa jii gwizhìt diiyah gugwaandak. Diiyah gugwaandak gwizhìt gò'ài guuzhik jii IC kat, vanchoh nak'oh zhak dhityin nihk'ah finagaadat:

- 2015: April 28 (Ottawa) danh, October 8 (Srii Tsoo Kaiik'it) danh, December 10 (Ottawa) danh
- 2016: April 20-21 (Inuvik) danh, September 29 (Whitehorse) danh, December 8 (Ottawa) danh
- 2017: May 4 (T'iyah zhìt nihts'at tr'igjik'hè'), October 3-4 (Inuvik) danh, December 7 (Ottawa) danh

NITS'ÒO NIGWIHEE'AA GEENJIT DIIYAH TR'IGWAANDAK

- **Duuleh Gwizhìt Tr'iinlii ts'at Diiyuuzri' Gwizhìt Nitr'iinlii:** Enrolment Board tr'igwiitsaii ts'at diiyeenjìt nadhat ihłoogwinli' GTC gugoonyik, jii kat kaiik'it daan gwats'at ihlee tr'oonjik, jii kat juudin jii GCLCA gwizhìt heelyaa kat guk'andehginahtih. Jùk jii GTC Eenjit Nadhat kat, iisrits'at juudin gwizhìt heelyah guk'andeh ginahtii, aii k'iighè' juudin gwizhìt heelyaa tth'aih hee GTC Eenjit Nadhat Kat guk'andehginahtih.
- **Kheenjit Chit Tr'iheedilyaa:** Jii GCLCA gwizhìt kheenjit chit tr'iheedilyaa, territorial ts'at federal guudagwidjì'è' gwinjik akòo digwiheedy'aa geenjit goo'aih. Kheenjit chit tr'iheedilyaa geenjit łagwiinaadhan tr'ahtsii jì' duuyeh GCLCA gwizhìt gòo'arii ejuuk natr'igwahtsii ts'at Gwich'in kat NWT gwizhìt kheenjit dagwidjì'è' gugwahtsii chan duuyeh ejuuk gugwahtsih. Łagwiinaadhan gugwahtsii dàì', kaiik'it gwizhìt Gwich'in kat dagaaniindhan gwinjik akoo digiheedy'ah.
- **Gwik'it T'igwiiniindhanh Kwaa Sritr'igwiheelyah:** Gwich'in Arbitration Panel, (GAP) guutr'ahnuu t'at, nijin GCLCA gwizhìt gòo'arii gwiiniindhan kwaa dàì' Gwich'in eenjit gigjìkkih. Jii GAP gwizhìt nihk'ii daan gidilih, daankat GTC gwats'at giinlih, neekaii chan GNWT gwats'at giinlih ts'at neekaii chan Canada gwats'at giinlih.
- **Gwich'in Geenjit Gòo'arii:** Designated Gwich'in organizations kat, GCLCA gwinjik Gwich'in guuveenjìt gwitr'it gugwahtsih. Jii Designated Gwich'in organization t'at iisrits'at ch'igwijuu'ee diiyeenjìt giheedilyaa, kaiik'it gwizhìt gugwich'in giheedilyaa gòo khehtok diiyeenjìt nadhat giheedilyaa, jii tthak t'at federal ts'at territorial gwidagwidjì'è' gwinjik giheelyaa. GCLCA tr'igwiitsaii gwichih, Designated Gwich'in organizations guudagwidjì'è' tr'igwiitsaii aii gwizhìt nits'òo tseedhòh k'agahnyahtyaa ts'at nits'òo nan guuts'an heelyaa ts'at nits'òo nan t'agahdahch'aa tthak guudagwidjì'è' gwinjik k'agahnahtyaa goo'aih.
- **Geenjit Tseedhòh Diits'an Tr'atsaii:** GCLCA tr'igwiitsaii k'iighè' Canada \$141 million, nagwidahdat 15 gwizhìt GTC gwits'an tr'atsaii, jii t'at Gwich'in kat guuveenjìt nadhat geenjit. 1993 dàì' GTC jii łagwiinaadhan tr'igwiitsaii gugwitr'it geenjit tseedhòh guuvatr'oodlii gwits'an nagahtsaii. Canada kat iisrits'at tseedhoh gwits'an gahtsaii ts'at tseedhòh guuvatr'oodlii gwats'at nagòonjik.
- **Nan Ts'at Ejiich'ii Gwitseedhòo:** Gwits'at k'adigwidaadhat kat, Nagwichoo Njik gwizhìt nan kak gwitr'it gwahtsii gwit'ih tseedhòh tr'ahtsii dàì' aii gwits'eedhoo làt GTC gwits'an gahahtsaa geenjit gòo'arii, GCLCA gwizhìt Chapter 9 danh jii geenjit gwidiniht'oh. Nagwidadhat ihłak gwizhìt daan agwinyaanch'uu GTC tseedhòh guuts'an tr'ahtsih.

Tr'igwinah'in ts'at Dagweedi'in'

- **Tseedhòh Tr'igwiłtsaii Gugwinah'in:** GSA gwizhìt gwitr'it gòò ejiich'ii tr'ookat gwahtsii gwitsèedhoo GSA gwichit kat k'agahnahtyaa ts'at gwidinjii kat ts'at tr'igiheendal geenjit goo'aih; Gwich'in kat kheenjit gwitr'it gahahtsaa gwit'ih tseedhòh giheedy'aa geenjit guuts'at tr'igiheendał; uukat tr'igwahtsii geenjit Gwich'in kat gaguu'tr'ooahanachyaa ts'at gè'troonahtan geenjit Gwich'in kat ts'at tr'igiheendal geenjit goo'aih; ts'at uu'òk gwitr'it gwiinchii gòò'ain dà' Gwich'in kat gwizhìt gwitr'it gugwahahtsaa geenjit guutr'ahaanah. Y'èenji' gwichit kat, gwitr'it k'eejit tr'igwahtsii 10.1.1 gwizhìt gwidinithit'oo gwinjik, GTC guuts'at gigiheekhyaa ts'at nagwidhadhat tik gwitagwinyaanch'uu jii geenjit guuvah łinagahaadah ts'at nits'òò jii 10.1.1 gwinjik gwitr'it gugwahtsii geenjit gigiheekhyah.
Aii geeghee, chapter 10 gwizhìt gwidinithit'oo gwinjik, Canada ts'at GNWT kat jii GSA gwizhìt gwitr'it gwahtsii dà' juudin gwizhìt gugwich'in kat gwitr'it guust'an heelyaa geenjit diits'at tr'igiheedał. Gwich'in nànhkak gwitr'it gwahahtsaa dà' Gwich'in kat tr'oochit gwitr'it guuts'an tr'igwahahtsaa geenjit goo'aih, jii t'at GNWT kat jii gwitr'it uu'òk geenjit gagwahaandak kwaa giiniindhan dà' akòò digiheedy'ah.
- **Nin Kagiheedy'aa ts'at Guk'andehtr'inahtii:** GSA gwizhìt nits'òò nin katr'iheedy'aa Chapter 12 gwizhìt geenjit gwidinithit'oo ts'at aii k'iighè' Gwich'in Renewable Resources Board (GRRB) tr'igwiłtsaih. Jii gwizhìt diiyeenjit nadhat ts'at uu'òk geenjit gòò'ain t'at, GSA gwizhìt nan kak jidii gòò'ain k'andehgahnahtyaa ts'at gwiinzii t'atr'ahdahch'uu geenjit gwitr'it gugwahahtsaa ts'at uu'òk t'aniinch'uu kat jùk ts'at yeendòò guuveenjit gwiinzii gwihee'aa chan geenjit gwitr'it gugwahahtsah. Gwindoo jii geenjit gahvidandài' nohthan jì', jii geenjit nadhat kat guuwebsite gwinoh'inh: www.grrb.nt.ca.
- **Nan ts'at Chuu Nits'òò T'atr'ahdahch'ah:** Jii gwiyeeshak diiyeenjit nadhat tr'ahahtsaa geenjit gwidinithit'oh, GCLCA gwizhìt chapter 24 danh gòò'ain gwinjik:
 - Gwich'in Nànhkak Nan ts'at Chuu T'atr'ijach'uu Geenjit Nàdhat Kat (GLWB) GSA gwizhìt nan ts'at chuu nits'òò t'atr'ijachch'uu guk'andehginahtih. Gwindoo jii geenjit gahvidandài' nohthan jì', jii geenjit nadhat kat guuwebsite gwinoh'inh: www.glwb.com.
 - Gwich'in Nàn Nits'òò T'atr'ahdahch'aa Geenjit Nàdhat Kat (GLUPB) GSA gwizhìt nan nits'òò t'atr'ahdahch'aa geenjit gwitr'it gugwahtsah, aii geeghee jidii gwizhìt gòò'ain ejuł gahahtsaa chan guugwitr'it nilih. Gwindoo jii geenjit gahvidandài' nohthan jì', jii geenjit nadhat kat guuwebsite gwinoh'inh: www.gwihinplanning.nt.ca.
 - Nàgwichoonyik Gwinagòò'ee Agwehdeendal Gwizhìt Tr'igwinah'in Eenjit Nijilzhii Kat (MVEIRB) gugwahnuu t'at, Nàgwichoonyik gwa'an gwitr'it gugwahahtsaa gwichih nits'òò nan agwehdeendal eenjit gwizhìt gugwinah'inh. Juudin jii MVEIRB gwakak t'iheech'aa geenjit Gwich'in nilii kat guuvoozri' tr'oonjii, GSA gwizhìt nan agwehdeendał gwiiniindhan jì' MVEIRB gwizhìt gugwahnah'aa GTC guutr'ahaanah, aii geeghee Gwizhìt Gugwahnah'aa Eenjit Nadhat gwizhìt heelyaa GTC gwizhìt heelyaa guuheendał, jii tthak geenjit jii GCLCA gwizhìt goo'aih. Gwindoo jii geenjit gahvidandài' nohthan jì', jii geenjit nadhat kat guuwebsite gwinoh'inh: www.reviewboard.ca.

Gwizhìt Gwihèe'aa Geenjit Gwich'in Eenjit Nadhàt Kat

GCLCA geenjit nihlnehch'ì' gò'aaì gwizhìt nàdhat kat jii IC gwizhìt giinlih:

GWICH'IN GWICHÌT KAT

Jii GCLCA k'iighè' GTC gòonlii ts'at jii GTC juudin aii IC gwizhìt t'iheech'aa ginuu, jii gwizhìt Gwich'in kat guuk'atr'inahtih. Nagwidadhat 2015/2016 dàì', Norman Snowshoe, GTC Gwichìt Ts'aaì Nadhat t'iinch'uu guuzhik jii IC gwizhìt iinli'. Nagwidadhat 2016/17 dàì', Ms. Bobbie Jo Greenland-Morgan GTC Gwichìt, jii IC gwizhìt iinli' aii ts'at nagwidadhat 2017/18 guuzhik, Mr. Jordan Peterson Chit Ts'aaì Nadhat jii IC gwizhìt iinli'.

- Gwich'in Gwichìt Kat geenjit gwindoo gahvidandàì' gwiiniindhan jì' iitsii adant'oo, internet kak www.gwichin.nt.ca gugwahnah'ah.

NORTHWEST TERRITORIES EENJIT IISRITS'AT CHIT KAT

April 1, 2017 gwits'at, GNWT nits'òo GCLCA guugwitr'it t'igiheedy'a'aa Department of Aboriginal Affairs and Intergovernmental Relations guugwitr'it t'iinch'ù'. April 1, 2017 dàì' jii Department of the Executive hàh nitr'igwinii'aih ts'at Department of Executive and Indigenous Affairs (EIA) tr'igwiitsaih. Diiyah tr'igwaandak guuzhik GNWT gwats'at Ms. Susan Bowie, Director, Implementation Division, EIA, jii IC gwizhìt, GNWT guuveenjit iinli'.

- geenjit gwindoo gahvidandàì' gwiiniindhan jì' iitsii adant'oo, internet kak, www.gov.nt.ca gugwahnah'ah.
- EIA geenjit gwindoo gahvidandàì' gwiiniindhan jì' iitsii adant'oo, internet kak, www.eia.gov.nt.ca gugwahnah'ah.

CANADA

Crown-Indigenous Relations ts'at Northern Affairs Canada (CIRNA, gwichih Indigenous and Northern Affairs Canada guutr'ahnuu) kat, jii IC gwizhìt, Canada eenjit nadhat. Jii gwizhìt Gwitr'it Gugwihèe'aa Geenjt Gò'aaì yeenjì' chit kat GCLCA ts'at IP geenjit dagiheedy'aa guk'andehginahtii ts'at aii geenjit gwitr'it t'igugwah'inh. Jii gwizhìt Gwitr'it Gugwihèe'aa Geenjt Gò'aaì, GTC ts'at GNWT diigeenjit gwitr'it gugwahahtsaa geenjit tseedhòh guuts'an gahtsih, aii IP gwizhìt gò'aaì gwinjik akòo digid'inh. Nagwidadhat 2015/16, Ms. Kimberly Thompson, Treaty Management West, Implementation Branch gwichit nilii jii IC kak Canada eenjit nàdhat. Nagwidadhat 2016/17 ts'at 2017/18 Mr. Dale Pegg aii Treaty Management West gwichìt nilii ts'at Kimberly Thompson vigwitr'it vits'an tr'igwiitsaii ts'at jii IC gwizhìt Canada eenjit nàdhat.

- Canada Eenjit Iisrits'at Chit kat ts'at gwizhi't gò'aaì gugwitr'it geenjit gwindoo gahvidandàì' gwiiniindhan jì' iitsii adant'oo, internet kak, www.canada.gc.ca/home.html gugwahnah'ah.
- CIRNA geenjit gwindoo gahvidandàì' gwiiniindhan jì' iitsii adant'oo, internet kak, www.canada.ca/en/crown-indigenous-relations-northern-affairs.html gugwahnah'ah.

Dagweedi'in' Eenjit Gwidinithit'oh

GWITR'IT GWILTSII GEENJIT DIYAH TR'IGWAANDÀK

Jii guuzhik GTC, GCLCA gwizhìt diieenjit dagwiheedy'aa gwinjik gwiinzii digugwitr'it t'igugwah'in'. Canada ts'at GNWT, GTC hàh jii geenjit gwitr'it t'igugwah'in', jii gwiyezhak akòo digeed'in':

Gwitr'it Eenjit Gadiitr'oonahntan Gitr'igwii'aii

Jii Gwitr'it Eenjit Gadiitr'oonahntan t'at, GCLCA gwizhìt tseedhòh tr'ahdaatsaa geenjit diits'at tr'itr'iinjii geenjit diieenjit nigigwini'ài. GTC nits'òo gadiitr'oonahch'ya gidiinù' ts'at diichit kat nits'òo diieenjit gwitr'it gugwahtsii nihlinehch'i' gòonlii, Gwich'in kat gaguutr'oonahch'ya geenjit gaguutr'oonahntanh. Yeenji' diieenjit nihlinehch'i' gòo'aii, federal ts'at territorial gwitr'it gwizhìt Gwich'in kat gaguutr'oonahntan k'iighè' Gwich'in kat gwiyeendoo gehneet'aii ts'at jii GCLCA gwinjik gwiinzii gwitr'it gugwahtsaa geenjit tr'igwilstai, GTC, Canada ts'at GNWT nihkhah jii geenjit gwitr'it gugwilsaii, juudin jii gwizhìt gatr'ooniityin kat gwitr'it nihlinehch'i' t'igiheedy'aa geenjit gatr'ooniityin k'iighè' duuleh GTC gwizhìt gwitr'it nihlinehch'i' gòonlii t'igugwah'aa guuveenjit goo'ài.

Jii gwizhìt gatr'oonahntan kat, srii tik geenjit gwitr'it guuts'an tr'ahtsii ts'at diieenjit chit nilii nihlinehch'i' geenjit gòo'aii gwitr'it gaguutr'oonahntan. GTC, Canada ts'at GNWT kat gwitr'it guuts'an gugwahtsii ts'at juudin gwizhìt t'iinch'uu jidii gwitr'it gat'iiniindhan vits'an trigwahtsii geenjit gigijiint'aih. Gwitr'it gaguutr'oonahntan dà' iisrits'at gwitr'it gwinjik gaguutr'oonahntan ts'at gwiyeendoo gwiniint'aih guutr'oonahntanh kwaa chan gwizhìt goo'ài aii geeghee ts'at ihlee ehghee gwitr'it gugwahtsaa guuts'an tr'igwahtsii.

Gwitr'it Eenjit Gadiitr'oonahntan Gitr'igwii'aii Gwizhìt Dagweedi'in'

February 23, 2015 dà' Canada ts'at GTC gwitr'it gadiiyatr'oonahch'ya geenjit lagwiinaadhan gugwilsaii, jii t'at Memorandum of Understanding (MOU) gugwahnuh. May 11, 2015 dà', GNWT ts'at GTC diieenjit gwihèe'aa geenjit lagwiinaadhan gugwilsaii, ezhik dà' gwitr'it eenjit diitr'ooheendal ts'at gadiitr'oonahch'ya gidiinù'. Jii lagwiinaadhan gugwilsaii k'iighè' Gwich'in Internship Pilot Project tr'igwilsaii.

September 2015 neegwidadhat danh jii Internship Pilot Project nigwihe'e'aa ginuu ts'at GTC gwitr'it geenjit gatr'oonahch'ya tik gòonjik. Jii tik, GTC gwitr'it gaguutr'ooniityin t'ee federal government gwitr'it gaguutr'oonahch'ya geenjit ezhii gwits'at niguujit, aii guuzhik gwitr'it geenjit gatr'oonahch'ya k'eejit tik gòonjik ts'at srii ihlak geenjit GTC gwitr'it gaguutr'oonahntan geenjit gwizhìt niginiinjii. September 2017 dà' at'at gatr'oonahch'ya guunji ndòo nyaa'ài'. Gatr'oonahch'ya tthak srii ihlak GNWT gwitr'it gaguutr'oonahch'ya ts'at aii t'ee ndòo gwitee'ah.

September 2017 at'at gatr'ooahanahchya guunjii ndòo nyaa'ài' ts'at jii gwizhìt dagweedi'n' gwizhìt gugwinah'in' ts'at yeendòo chan jùu digiheedy'aa jidii gwizhìt giheelyaa geenjit niinji'gadhat.

Gadiitr'oonahntan niinzhùk gweedhaa k'iighè' gwiiyeendoo gwiinzih (jùu digweedi'n' tr'eshit gwiingàn' k'iighè' diits'at tr'iinjih kwàh); diichit kat gwiinzii nihk'ah gwitr'it t'agwah'in'; iisrits'at ih'ee hàh gwitr'it gwiltsaii; ts'at yeendòo diigwitr'it gwiinzii gugwahahtsaa guuveenjit gwihee'ah.

Yeendòo jùu digwiheedy'aa jì' jii gwiiyeendoo gwiinzii gugwahahtsah, juudìn gatr'ooahanahchya yeendòo jidii gwitr'it giiniindhan geenjit tr'iilee giheelyaa; juudìn gatr'ooahanahchya kat gwizhìt t'igiheech'yaa gugwahahtsah; diichit gwitr'it deek'it gwizhìt k'anh gwitr'it guuts'an tr'igwahahtsah; gwitr'it geenjit gisrii nitr'ahjii geenjit gò'aaì ejùk natr'igwahahtsah ts'at nijin geenjit tr'oonidhat, diik'aaì'it ehg'ee niguutr'ahahchyah.

Jùk Jùu Digwiheedy'ah:

GCLCA gwizhìt diiyeenjit nih'finehch'i' gò'aaì jii Gwich'in Internship Pilot Project gwiinzii gwihee'aa geenjit nihk'ah gwitr'it gugwiltsaii. Jii nagwidadhat gwizhìt IC kat yeendòo jii gwik'it gadiitr'ooahanahchya geenjit nits'òo gwitr'it gugwahahtsaa geenjit niinji'giheedhat.

Gwich'in Gè'tr'oonahntan Eenjit Łinatr'aadal (Gè'tr'oonahntan Gwitoh Gwiniindhat Gugwitr'it)

Gwich'in guuk'eejit kat gatr'oonahntan gwitoh gichùujil t'ee gè'tr'oonahntan gwizhìt giheelyaa, GTC geenjit guuts'at tr'igiheendal geenjit Gè'tr'oonahntan Eenjit Łinatr'ahaadal gugwahahtsah. Gwich'in guuk'eejit kat, k'aaì'it gwitsal gwits'at, uu'òk k'aaì'it gwiinchii gwa'an gaguutr'ooahanahchya gwits'at guutr'oonjii k'iighè' gè'tr'oonahntan gwitoh gichùujil t'ee gwiiyeendoo leii kat gè'tr'oonahntan gwizhìt giheelyaa giiniindhanh.

Jii diiyah tr'igwaandak gwizhìt gweedhaa guuzhik, uu'òk k'aaì'it gwa'an gè'tr'oonahntan zehh gwichoo gò'aaìì danh diiyah gè'tr'oonahntan eenjit łinagaadàl:

- March 23 – 27, 2015 – Memorial University, St. Johns, Newfoundland danh: Gwich'in guuk'eejit ih'ak juutin ah'eeii gè'tr'oonahntan eenjit łinaatr'aadal GTC hàh gwizhìt giinli'.
- March 7 – 11, 2016 – Carleton University, Ottawa, Ontario danh: Gwich'in guuk'eejit ih'ak juutin ts'at daan ah'eeii gè'tr'oonahntan eenjit łinaatr'aadal gwizhìt giinli'.
- March 27 – 31, 2017 – Inuvik, Northwest Territories: Uu'òk k'aaì'it gwizhìt gè'tr'oonahntan zehh gwiinchii gwits'at gichùujil kwaa gòo Inuvik danh łinagaadàl ezhik dàì' Gwich'in guuk'eejit neek'aaì juutin ts'at neek'aaì ah'eeii guuvàh gwizhìt giinli'.

Dagweedi'in' Eenjit Gwidinithit'oh

- March 9 – 13, 2018 – University of Alberta, Edmonton, Alberta danh: Gwich'in guuk'èejit ihlak juutin ts'at ih'oo gwini' ah'leii gè'tr'oonahant eenjit finaatr'aadal gwizhit giinli'.

Jii dagweedi'in' k'iighè' gwiiyeendoo gwiinzih, k'eejit kat gwizhit giinli' 89% ah'leii gè'tr'oonahant gwitoh gichùujit t'ee gè'tr'oonahant gwizhit niguujil, gwitr'it eenjit guguutr'oonahant gwizhit niguu'oo ts'at guulat gwitr'it gidi'inh.

Jùk Jùu Digwiheedya'àh:

Gè'tr'oonahant Gwitoh Gwiniindhat Gugwitr'it gugwahaatsaa geenjit guuts'at tr'itr'iheendal geenjit gò'aa k'iighè' GTC chan Gè'tr'oonahant Eenjit Łinatr'ahaadal 2018/19 gwizhit nitr'igwihee'aa geenjit gò'aih.

Gwich'in Gè'tr'oonahant Gwi'dineht'èe'

Tr'oochit GCLCA gè'tr'oonahant gwi'dineht'èe tr'igwitsaii gò jii Gwich'in Gè'tr'oonahant Gwi'dineht'èe' gwindoo nichii nijaanaih, Gwich'in Certificate geenjit gè'tr'oonahant gwizhit nitr'iinlii ts'at GSA gwizhit grade 10, 12 guuveenjit gwizhit gò'aih. Jidii gwizhit gadiitr'oonahant jii gwiyezhak gwidinithit'oo:

- Yí'eenoo Nits'òo Gwich'in Tr'igwiindà' Adiitr'oonahant (3 credit-course).
- Yí'eenoo Dagweedi'in', Nikhwinan, Yí'eenoo Nist'òo Tr'igwiindà' Geenjit Tsii'inh Gwaatsii (Gwatat Gè'tr'oonahant (1 credit).
- Yí'eenoo Gugwandak ts'at Yí'eenoo Nits'òo Trigwiindà' Geenjit Gadiitr'oonahant (1 credit).
- Juudin Diidaazhii Gwiinli' gwinjik Yí'eenoo Dài' Diizheh K'oo Dageedi'in' Gadiitr'oonahant (1 credit)
- Gwich'in Nan Eenjit Łagwiinaadhan Tr'igwitsaii Geenjit Gadiitr'oonahant (1 credit).

Jii gugwitr'it tr'oochit nitr'igwii'aii dòi' Aklavik ts'at Teet'it Zeh danh 2016 dòi' gwitoh nigwiniindhat. Inuvik East Three Gè'tr'oonahant Zeh gwizhit duuleh jii gwik'it gadiitr'ooahanahchya ginh.

East Three Gè'tr'oonahant Zeh gwizhit jii gadiitr'ooahanahchya geenjit tseedhòh kwaa k'iighè' geenjit gwitr'it gwahaatsaa gwits'agwighah gò'aih.

Jùk Jùu Digwiheedya'àh:

Gè'tr'oonahant kat, tr'iinin kat tr'oochit guguutr'oonahant ts'at yeendòo gè'tr'oonahant gwitoh niginiinlii jii Gwich'in eenjit gadiitr'ooahanahchya giiniindhàn. Jii geenjit gwitr'it t'agwah'in kat IC ts'at diichit geenjit gò'aih hàh tth'aih hee jii geenjit gwitr'it gugwahaatsah.

JIDÌI GWIJIINCHII GÒONLIH

Jidii gwijiinchii gòonlih geenjit gigijkhè' ts'at jii IC gugwitr'it geenjit diiyah tr'igwaandak guuzhik jidii gwizhìt gòo'aii, jii gwiyeeshak gugwidinuut'oh. GCLCA gwitsèedhoo diits'an tr'altsaii, Gwitr'it Nigwihèe'aa (IP) ts'at nihkha tseedhòh gwits'an tr'ahahtsaa geenjit łagwiinaadhan tr'igwitsaii chan jii gwiyeeshak gugwidinuut'oh.

1. Nagwidadhat Ihłak Dagweedi'in' Geenjit Diiyah Tr'igwaandak

IC kat nagwidadhat ihłak gwizhìt jii łagwiinaadhan tr'igwitsaii gwizhìt dageedi'in' geenjit diiyah gugwahaandak jii GCLCA gwizhìt geenjit goo'aih. Canada kat jii diiyah tr'igwaandak gugwehdineet'oo guuveenjit gòo'aii gòo, GNWT kat Canada guuveenjit akòo digiheedya'aa ginuh.

Dagweedi'in': 2015/16 – 2017/18

2014/15 gugwitr'it geenjit diiyah tr'igwaandak 2009/10 – 2013/14 gugwitr'it geenjit diiyah tr'igwaandak ihłak tr'igwahahtsaa ts'at nagwidadhat ihłoo gwinli' gugwitr'it geenjit diiyah tr'igwaandak ihłak gugwahahtsaa jii IC kat akòo digwiheedy'aa geenjit ahà' ginuu aii ts'at 2015/16 ts'at 2017/18 gugwitr'it geenjit diiyah tr'igwaandak ihłak gugwahahtsaa ginuh. Jii gwitr'it eenjit diiyah tr'igwaandak łehtè'tr'ehdeelyaa GTC ginuu ts'at Canada kat jùu digwiheedy'aa ts'at yeendòo gwitr'it geenjit diiyah tr'igwaandak łehtè'tr'ehdeelyaa geenjit gwits'at tr'igiheendal ginuh.

Jùk Jùu Digwiheedya'ah:

Yeendòo gweedhaa gwizhìt jii IC kat gwitr'it eenjit diiyah tr'igwaandak gwindoo gwiinzii gugwahahtsaa geenjit gwitr'it gugwahahtsah, nagwidadhat ihłak gugwitr'it eenjit diiyah tr'igwaandak gwizhìt, nagwidadhat ihłak gwitoh gwichuudhat gwizhìt tseedhòh hàh iisrits'at dagweedi'in' diiyah tr'igwahaandak.

Dagweedi'in' Eenjit Gwidinithit'oh

2. GCLCA Ihtak Tr'igwiitsàih

GCLCA guguwini'ii t'ee gwizhit gò'arii làt ejùk nagugwiitsaii geenjit ahà' gidiinù'; gòò ejùk nagugwiitsaii jii GCLCA tth'aih hee gwizhit nigugwini'ii'aih kwàh.

Dagweedi'in': 2015/16

Canada tseedhòh diits'an galtsaii hàh GTC kat jii GCLCA ihtak gugwiitsàih. Tr'oochit gwidinithit'oo, Canada ts'at GNWT December 2015 dàì' gugwahnah'aa ts'at dagiiniindhan geenjit GTC guuts'an galtsàih.

Dagweedi'in': 2016/17

Jii GCLCA gugwitr'it gwi'dineht'èe GTC tr'oochit gwidinithit'oo GNWT gugwinah'in' ts'at geenjit guuts'at tr'igjikhè'. Canada tth'aih hee jii dineht'eh gugwinah'inh.

Dagweedi'in': 2017/18

Jii GCLCA gugwitr'it gwi'dineht'èe GTC tr'oochit gwidinithit'oo Canada gugwinah'in' ts'at geenjit guuts'at tr'igjikhè'. Canada daginuu, jùk GTC gugwinah'inh ts'at tr'oochit gugwidinuut'oo chan natr'igwehdineet'oo t'ee tthak gwizhit giinlii natr'igwahnah'ah.

Jùk Jùu Digwiheedya'àh:

Tthak gwizhit giinlii jii GCLCA guugwitr'it gwi'dineht'èe GTC tr'oochit gugwidinuut'oo gugwahnah'ah. Gwiinzii t'iinch'uu ginuu t'ee jii gwi'dineht'èe tehtè'tr'ehdeelyaa ts'at gwizhit nilii kat Dagwiiniindhan Gwidinithit'oo gugwahahtsaa, aii gwizhit jii GCLCA Uunjit K'yuu ts'at Nèeghaii Gwich'in ky'uu gugwidinuut'oo gwiinzii t'iinch'uu gehdeenjah.

3. GCLCA Ejùk Natr'igwiitsàih

GTC kat jii GCLCA khehtok ejùk natr'igwahahtsaa geenjit gwizhit gugwinah'ii, jii gwizhit Yukon gwa'àn nits'òò Teet'it Gwich'in kat guuveenjit gò'arii gwizhit gugwahnah'ah.

Dagweedi'in': 2015/16

GTC kat, jii GCLCA ejùk natr'igwahahtsaa geenjit gwizhit tr'igwahnah'aa kat guunjik diiyah gugwaandak. Gwizhit gugwinah'in' k'iighè' ejùk gugwahahtsaa gwiiniindhan gugwehdineet'oo ts'at GTC kat GNWT ts'at Canada guuts'an gahahtsaa t'ee jii IC gwizhit geenjit niinji'giheedhat ts'at geenjit gigiheekhyah.

Dagweedi'in': 2016/17

Jidii nan Canada gòò GNWT, GTC gwits'an tr'altsaii, GCLCA gwizhit gò'arii ejùk nagugwiitsaii, jii nan eenjit łagwiinaadhan gwizhit heelyaa geenjit akòò digeedi'in'. Jùk jii GCLCA geenjit gwidinithit'oo jii gwijnjik gwidinithit'oh kwàh. Sahtu Dene ts'at Teenjer Aatsaa Guunàn Eenjit łagwiinaadhan Tr'igwiitsaii akòò digòonch'uu GNWT ginuu ts'at GCLCA gwizhit akòò digwiheech'aa jì' gwiiyeendoo gwiheezaa chan ginuh.

Dagweedi'in': 2017/18

Jii ejùk gugwahahtsaa k'iighè' taxation ejùk gwiheelyaa geenjit Canada, Canada Gwizhit Tseedhòh K'atr'inahtii hàh gwitr'it gugwahtsah. Gwizhit nilii kat, yeendòò nagwidadhat gwizhit enjùk gugwahahtsaa geenjit nihkkeh gigiheekhyah.

Jùk Jùu Digwiheedya'àh:

Canada Gwizhit Tseedhòh K'atr'inahtii dagiiniindhan Canada, GTC ts'at GNWT hàh gagugwihàandak. Canada Gwizhit Tseedhòh K'atr'inahtii dagiiniindhan gwiinzii gò'arii ts'at GTC ahà' ginuu jì', GNWT ejùk gugwahahtsah, jii geenjit IC ahà' ginuu chan gwizhit gwiheelyah.

4. Yukon Gwinagoo'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è' – Dagweedi'in' Geenjit Diiyah Tr'igwaandak

Yukon Guunaguu'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è' (YESAA) gugwahnuu, jii Umbrella Final Agreement gwinjik gwiltsaii, Canada Eenjit Iisrits'at Chit kat, Yukon Eenjit Iisrits'at Chit Kat ts'at Yukon Gwats'at Dinjii Zhuh nihkhah gugwiltsaih. Yukon gwa'an nan gwizhìt gugwinah'in dàì' jii YESAA gwinjik akòo digidi'inh.

Nits'òo nan ts'at jidiì gwakak gò'aaì guk'atr'ahnahtyaa federal government 2003 dàì' Yukon Eenjit Iisrits'at Chit Kat guuts'an gaftsaii ts'at ezhik dàì' YESAA chan geenjit ahà' gidiinù'. Jii Umbrella Final Agreement gwizhìt gò'aaì gwinjik jii YESAA gwidagwidjì'è' gugwiltsaii gwichih, nagwidadhat ih'oo gwinli' guuzhik gwizhìt gugwahnah'aa geenjit goo'àih. March 2012 dàì' jii gwizhìt gugwinah'in ndòo gwinyaa'aaì.

Yukon ts'at Nunavut guk'atr'inahtii kat dagwidii geenjit guuvah tr'igwaandak geenjit Bill S-6 tr'igwiltsaii ts'at Canada guk'atr'inahtii gwik'it tr'igwiltsaih. Jii gwiyezhak neekaii k'it diinch'uh:

- Ih'ak gwizhìt gò'aaì *Yukon Gwinagoo'ee ts'at Gwa'an Tr'igwich'in Tseedhòh T'agijahch'uu Gwizhìt Tr'igwinah'in Gwidagwidjì'è'* ejùk gugwiltsaii; ts'at
- Neekaii gwizhìt gò'aaì *Nunavut Chuu and Nunavut Nan Kak Ejiich'ii Eenjit Dagwidjì'è'* ejùk nagugwahahtsaa gwiiniindhanh.

Dagweedi'in': 2015/2016

Canada jii Geenjit Nijilzhii Kat, Standing Committee guutr'ahnuu, jii S-6 Gwidagwidjì'è' geenjit guuvah gugwaandak ts'at jii Geenjit Nijilzhii Kat geenjit gigijkhè' ts'at February dàì' Whitehorse gwits'at gichuujiì. Jii Gwidagwidjì'è' gwizhìt gò'aaì datthak gwizhìt gugwinah'in' ts'at Parliament geenjit guuvah gugwaandak t'ee chan tik geenjit gugwinah'in'.

5. Nihkhah Gwizhìt Gugwinah'in Geenjit Jilch'eiì

December, 2014 dàì' jii GCLCA gwizhìt nits'òo nihkhah gwiiniindhan geenjit tr'igiheekhyaa gwizhìt gò'aaì Canada ejùk nagugwahahtsaa gidiinù'. Nihkhah Gwizhìt Gugwinah'in Geenjit Jilch'eiì gukwaa gugwahahtsaa ts'at Jidiì Gwiiniindhan Kwaa Sritr'heelyaa Geenjit Gwitr'it T'agwah'in gwizhìt heelyaa ts'at juudin jii geenjit gahgwidindàì' kat gwizhìt nigiheelyaa gò'aaì IC chan duuleh gwits'at k'agwihaadhat ts'at geenjit diitr'ooheendal gidiinù'. Uu'òk ìagwiinaadhan gwinjik gwitr'it gugwahtsaii jì' gwiieendoo tseedhòh leii t'agahdahch'ah kwaa ts'at gwiieendoo gwiinzii gwitr'it gugwahahtsaa, Canada diigahnuu. IC kat, jii guuvah tr'igwaandak geenjit niinjì'gadhat.

Dagweedi'in': 2015/2016

Canada akòo diginuu, ejùk natr'igwahahtsaa jì' jii GCLCA iisrits'at ejùk natr'igwahahtsaa geenjit goo'àih. Tliho Gwichit jùu digwiheedyaa'aa geenjit GTC guuts'at gigiheekhyaa giiniindhanh. December 2015 IC kat ìigiljil ts'at ezhik dàì' GTC kat akòo digwiheedyaa'aa geenjit ìagwiinaadhan gugwahahtsaa giiniindhan ginuh.

Dagweedi'in' Eenjit Gwidinithit'oh

Dagweedi'in': 2016/17

“Dispute Resolution in Modern Treaties”

gwi'dineht'èe Canada diits'an gaftsaii, jii gwizhìt Gwiiniindhanh Kwaa Diiyeenjit Srigugwiheelyaa geenjit gwiinchii gwidinithit'oh. Jii dineht'eh gwizhìt jii Gwiiniindhanh Kwaa Diiyeenjit Srigugwiheelyaa Gugwitr'it Gwahahtsaa guuheendal ts'at nits'oo gwitr'it gwahahtsaa gwizhìt gò'aa ts'at juudin jii gwitr'it ahdandaii geenjit guuheendal gò jii IC jii gwitr'it guuts'an gugwitahtsaa geenjit chan gwizhìt goo'aih.

Dagweedi'in': 2017/18

Jidìi gwiiniindhanh kwaa diiyeenjit srigugwiheelyaa Canada gwindoo gwizhìt gugwinah'in' ts'at Deline Kheenjit Chit Giinlii Łagwiinaadhan Gugwitsaii gwizhìt gò'aai gwik'it akòo digwiheedy'aa diigahnùh. GNWT kat, Deline dagidi'ii gwinjik akòo digwiheedy'aa geenjit ahà' gidiinu', jii gwizhìt gwiiniindhanh kwaa diiyeenjit srigugwiheelyaa geenjit gò'aai ts'at geenjit jilch'eii tr'ooheendal kwaa gwizhìt goo'aih.

Jùk Jùu Digwiheedy'àh:

GTC jùu digwiheedy'àa guutr'oodahkat geenjit niinji'giheedhat ts'at GTC Eenjit Nijilzhii Kat geenjit guuts'at gigiheekhyah. Ejùk natr'igwahahtsaa geenjit ahà' ginuu j' geenjit dineht'eh gahahtsah ts'at IC ROD gwi'dineht'èe gugwahahtsaa ts'at jii gwinjik ndòo gugwihee'àh.

6. Tseedhòh Dàgwahchii Tr'aaltsaii Gwizhìt Gugwinah'in

GCLCA gwizhìt gugwidint'oo ihłak juutin gò'aa gwizhìt Tseedhòh Dàgwahchii Tr'aaltsaii Gugwinah'in geenjit gwidinithit'oo, aii gwinjik diiyeenjit chit kat GTC hàh nagwidadhat tik gwitagwinyaanch'uu nihkhah łinagahaadah geenjit gò'aa ts'at ezhik dàì' nits'oo jii gugwidinuut'oo gwinjik gwitr'it gugwahahtsaa gwizhìt gugwahnah'aa geenjit nihts'at gigiheekhyah.

Dagweedi'in': 2015/16 – 2017/18

GTC Gwichìt James Wilson, Gugwidinuut'oo Ihłak Juutin hanah'aa niindhan, GTC, IC agahnùh. Canada akòo diginuu, yi'eenoo jii gugwidinuut'oo gwizhìt tr'igwinah'in' dàì' iisrits'at dagweedi'in' gahgwiheedandaii geenjit gugòontrii, jii k'iighè', jii gugwidinuut'oo gwinjik gwitr'it gugwahahtsaa gwiieendoo gwiheezaa ginuh. Jii gwichih Canada akòo diginuu, tseedhòh dagwahchii tr'altsaii gwizhìt gugwinah'in' dàì', dagiheedy'a'aa geenjit daankat gwizhìt heelyaa ts'at nagwidadhat tik gwizhìt tseedhòh dagwahchii tr'altsaii gwizhìt gugwahnah'aa, jii gwizhìt giinlii kat akòo digiheedy'a'aa geenjit nihkhah gwitr'it t'igugwah'inh.

Jii gwizhìt nilii kat, Gugwidinuut'oo Ihłak Juutin gwiieendoo gwiinzii gwizhìt gugwinah'in', aii guuzhik juudin gwizhìt nilii nits'oo gwitr'it giheedy'a'aa ts'at nits'oo tseedhòh gahdaatsaa guuvah gugwahaandak geenjit Tseedhòh Dàgwahchii Tr'aaltsaii Gwizhìt Gugwinah'in' Geenjit Łigiljìt. Jii gwichih 2004 ts'at 2006 dàì', tseedhòh dagwahchii tr'altsaii gwizhìt gugwinah'in', GNWT chan gwizhìt gugwinah'in' ts'at yeendòo chan nits'oo gwizhìt gugwahnah'aa gwi'dineht'èe gaftsaii ts'at jii gwizhìt nilii kat gugwahnah'aa ts'at geenjit niinji'giheedhat guuts'an gaftsaii. Jii geenjit ezhii nadhàt tr'ooheendal ts'at agidanh jii gwitr'it k'andehgahnahtyaa, jii gwizhìt nilii kat akòo diginuu.

March 2018 dài', jii gwizhìt nìlìi kat, Tseedhòh Dagwàhchii Tr'altsaii Gwizhìt Tr'igwinah'in Geenjìt Łìgìlìjìt. Drin ihtak gwizhìt yì'eenjì' gwats'at k'adagwidaadhat gwizhìt gwitr'it diiyeenjìt gò'o'ii geenjìt diiyah gugwaandak. Drin neekaii gwizhìt, GNWT gwizhìt gwitr'it diiyeenjìt gò'o'ii nits'òo tr'ihedyaa, nits'òo tseedhòh tr'ahdaatsaa ts'at nits'òo yì'eenoo tseedhòh tr'altsaii GNWT geenjìt diiyah gugwàandak.

GCLCA gwizhìt tseedhòh dagwahchii tr'altsaii gwizhìt tr'igwinah'in geenjìt gò'o'ii k'iighè', Canada ts'at GNWT, Inuvik, "kaiik'it nihkhah t'atr'ijahch'uu" giiniindhan, geenjìt GTC gwiiniindhan kwaa ts'at guuvah gugwaandak. Canada ts'at GNWT, Inuvik Gwich'in Nàn Łagwiinaadhan Tr'altsaii gwizhìt nìlìi gahgidandaii diiyah gugwàandak. Aii geeghee, jii k'adagwidaadhat neekaii, Inuvik Ineekaii kaiik'it diinch'uu ts'at Ineekaii Nàn Eenjìt Łìgwiinaadhan Tr'altsaii gwizhìt diinch'uu ts'at GCLCA gwizhìt diiyeenjìt gò'o'ii gwinjik Gwich'in k'aiik'it chan diinch'uu gahgidandaii diigahnùh. Inuvik "kaiik'it nihkhah t'atr'ijahch'uu" Canada ts'at GNWT akòo digiiniindhanh kwàh.

Jùk Jùu Digwiheedya'àh:

Tseedhòh Dagwàhchii Tr'altsaii Gwizhìt Gugwinah'in Geenjìt Nàdhat tr'ooheendal ts'at jii kat nits'òo tseedhòh tr'ahdaatsaa gwi'dineht'èe GNWT gaitsaii gwizhìt gugwahnah'aa ts'at dagiiniindhan gwinjik gahahtsaa ts'at gwizhìt nìlìi kat t'agahdahch'aa geenjìt guuts'an gahahtsah.

Tseedhòh Dagwàhchii Tr'altsaii Gwizhìt Gugwinah'in Geenjìt Nàdhat kat jii gwizhìt gugwahnah'aa ts'at nits'òo gweedhaa jii IC geenjìt guuvah gugwahàandak.

7. Nacho Nyak Dun Dinjii Zhuh Hàh Gigjìkhii

Dagweedi'in': 2017/18

Canada ts'at GNWT, Nacho Nyak Dun Dinjii Zhuh hàh nan eenjìt łagwiinaadhan gahtsii geenjìt nihkhah tr'igjìkhii gwizhìt nijìn nan gò'o'ii GTC hàh gugwaandak kwaa gat'igiiniindhan kwàh. Jii łagwiinaadhan eenjìt nihkhah gigjìkhii agidanh khè' giiniindhan gò'o'ii GTC gahgidandaii gòo yeendòo GTC jii k'iighè' guuveenjìt nits'òo gwihee'aa chan geenjìt niinjì'gadhat ts'at GTC geenjìt tr'igiheekhyaa geenjìt khajjìkoo gwiheedhaa giiniindhanh.

Jùk Jùu Digwiheedya'àh:

Yeendòo nits'òo nihkah tr'igiheekhyaa Canada diiyeenjìt gwizhìt gugwahnah'aa ginuh.

8. Nan Nihjeh Tr'igwahtsii

Dagweedi'in': 2015/16 – 2017/18

Aklavik tsijiinch'ii neegaazhik deek'it guukaiik'it geenjìt giiniindhan eenjìt Gwich'in nàn GNWT nan hàh niht'ih gugwichuu'ii giiniindhan GNWT geenjìt guuts'at gigjìkhè', GNWT diiyah gugwaandak. Jùk nijìn tsijiinch'ii neegaazhik gwiinzih kwaa ts'at nan natahneehah kwaa, dak haii diinch'uu giiniindhan, Gwich'in nàn gwizraih geenjìt gò'o'ii ginuh. GTC akòo digòonch'uu gahgidanadaii ginuh.

Jùk Jùu Digwiheedya'àh:

Jii gwizhìt nìlìi kat, nan nihjeh tr'igwahtsii gwiiniindhan IC fitr'aadal gwizhìt tth'aih hee geenjìt gigiheekhyah.

GWITR'IT NIHĽINEHCH'I'

1. Yeendò Gwich'in Eenjit Dagwiheedyaa K'eejit Natr'igwahtsii (2013-2023)

Yeendò Dagwiheedyaa (IP) Gugwidint'oo 28 gwizhìt nilih, jii GCLCA gwizhìt heelyaa geenjit. Jii gwichih, 2003-2013 dàì' jii GCLCA geenjit IP goo'è' ts'at gwindoo gwi't'atr'ahdahch'aa gwiłtsàih, nagwidadhat neekaii geenjit (2013-2014 ts'at 2014-2015) t'atrahdahch'aa ROD gwinjik tr'altsaih, jii t'at 2012 dàì', akòo digeedi'in', aii t'ee chan nagwidadhat tik geenjit (2017/18) gwizhìt ROD gwinjik t'agahdahch'aa tr'altsàih. IP gwizhìt Annex B gòo'aai danh tseedhòh dagwahchii diits'an tr'ahahtsaa gòo'aai ejùk gugwiłtsaii, Federal Domestic Demand Implicit Price Index (FDDIPI) gwinjik Annual Price Adjustment Factor k'iighè' akòo digeedi'in'.

Dagweedi'in': 2015/16

GNWT jii IP gwinjik dagwiheedyaa k'eejit natr'igwitahtsaa agidanh gugwehdineet'oo ginuu ts'at jii IP tr'oochit dinithit'oo gwizhìt gugwinah'in', jidii tthak gwizhìt nilii geenjit gugwinah'in' ts'at diiyeenjit jidii tthak gwizhìt heelyaa geenjit gwitr'it gałtsàih.

Yukon K'adagwidaadhat hàh łitr'ahaadal geenjit gòo'aai kwaa k'iighè' jii IP gugwitr'it gugwiniidhat kwah ts'at GCLCA gwizhìt Appendix C danh Yukon Nan Gwinagoo'ee Geenjit Gwidinithit'oo k'eejit gugwiłtsaih kwàh.

Dagweedi'in': 2016/17

GNWT jii IP gwi'dineht'èe làt ejùk gugwiłtsaii ts'at tr'oochit gugwidinuut'oo Canada ts'at GTC gugwahnah'aa geenjit guuts'an gałtsàih. Jii dineht'eh gwinjik aii GCLCA gugwihee'aa diits'at tr'iheendal geenjit jii dineht'eh ejùk tr'igwiłtsàih.

Jii dineht'eh nihkhah gwizhìt tr'igwahnah'aa geenjit tr'igwiłtsàih.

Dagweedi'in': 2017/18

Gwizhìt nilii kat nihkhah gwiinzii gwizhìt gugwinah'in'. Gwizhìt gòo'aai gwiiniindhan tth'aih hee geenjit niinj'gwiheedhat; aii gòo', gwizhìt nilii kat jii IP uundòo gweedhaa gwizhìt gugwahnah'aa ts'at jidii sritr'iheelyaa jii srii nanh gwiheè'aa guuzhik srigiieelyah.

Jùk Jùu Digwiheedyaa'ah:

Iisrits'at jii dineht'eh gwiiniindhan geenjit ahà' gehdeenjaa gòo IC kat aii ROD kak diguuzri' gugwehdineet'oo gwiiniindhan j' Canada akòo diigahaanjah.

2. Gwich'in Nan Nits'òo T'atr'ahdahch'aa Gwi'dineht'èe'

Gwich'in Nan Nits'òo T'atr'ahdahch'aa Geenjit Nàdhat tr'ooheendal jii GCLCA gwizhìt gò'ài ts'at Nits'òo Nan T'atr'ahdahch'aa Gwi'dineht'èe (LUP) tr'ahahtsaa jii gwinjik GSA gwizhìt nan, chuu ts'at gwizhìt guk'atr'ahnahtyaa ts'at gwiinzii t'atr'ahdahch'aa, jii nan tthak Northwest Territories gwizhìt t'iinch'uh.

Tr'oochit jii LUP tr'ahtsaii gwizhìt nilii kat tthak 2003 dàì' geenjit ahà' gidiinù'. Jii Gwich'in kat geenjit LUP tr'gwiltsaii 2011 dàì' ejùk natr'igwiltsaii ts'at geenjit dagiinù' k'iighè' chan ejùk gugwiltsaii ts'at iisrits'at jii LUP gwizhìt heelyaa gugwiltsaii ts'at Geenjit Nadhat kat Juudìn Gwizhìt Nilii tthak January 2015 guuts'an tr'ahtsaii iisrits'at ahà' gehdeenjaa geenjit.

2014 dàì' Devolution gugwinii'ài t'èe, GNWT Nan Guk'anahtii Geenjit Gò'ài jii Nan Nits'òo T'atr'ahdahch'aa Geenjit Gò'ài guunjik ts'at GNWT jidii gwizhìt heelyaa giiniindhan geenjit gwitr'it gugwiltsaii. Jii Gwich'in LUP iisrits'at tr'igwiltsaii t'èe June 2015 dàì' GNWT geenjit diits'at tr'igjikhè'.

3. Nan Gwijiinchii Ts'at Guk'andehtr'inahtih

Jii GCLCA gugwinii'ài gwats'at Gwich'in ts'at Crown nan nihjeh gugwiltsaih kwaa gò IC kat, yeendò kàiik'it gwiinchii nigwidaadhat t'èe tsijiinch'ii uu'àn tr'ihilii geenjit nan gwiiniindhan jì' gwizhìt gwiye'aa giiniindhanh.

Dagweedi'in': 2016/17 – 2017/18:

Nan gwijiinchii ts'at guk'andehtr'inahtii k'iighè' yeendò nan nihjeh gugwahahtsaa tth'aih hee gwik'it t'igwiheech'aa gahgwiheendaii giiniindhan ts'at nits'òo diiyeenjit gwihèe'aa GNWT geenjit diits'at tr'igjikhè'. Nits'òo nan gwijiinchii ts'at guk'andehtr'ahnahtyaa GNWT juudìn gwizhìt nilii guudahkat ts'at yeendoo IC tinagahaadal dàì' geenjit gigiheekhyaa geenjit chan aguudahkat.

Jùk Jùu Digwiheedya'ah:

Gwizhìt nilii kat yeendò IC tinatr'aadal dàì' nan gwijiinchii ts'at guk'andehtr'inahtii geenjit niinjigiheedhat.

Dagweedi'ın' Eenjit Gwidinithit'oh

4. Gwich'in Nàn Geenjit Łagwiinaadhan Tr'igwiłtsaii Gugwahnàh'ah

Gwich'in Nàn Eenjit Łagwiinaadhan Tr'igwiłtsaii tth'aih hee Canada gwizhìt gugwinah'inh kwàh. NWT gwizhìt uu'ok nan eenjit łagwiinaadhan tr'igwiłtsaii adàì' hee gwizhìt gugwinah'in'.

Dagweedi'ın': 2016/17

Gwich'in nàn eenjit łagwiinaadhan tr'igwiłtsaii gugwahnàh'aa geenjit gwiłiinchiì gò'àiì, IC gwiłiinindhàn. Jii geenjit gwiłiinchiì tr'ooheekat k'iighè' tr'oochit jii gwitr'it geenjit, Canada tseedhòh kagehneetyah. Jii gugwitr'it nagwidadhat leii geenjit gwitr'it gwahałtsaa, IC giłiinindhanh.

Dagweedi'ın': 2017/18

Nits'òo iisrits'at nan tr'igwahnàh'aa geenjit gò'àiì ts'at aii gwizhìt jii gwitr'it geenjit nan khełtok gwihee'aa geenjit dagiłiinindhan lisrits'at Nan Tr'igwahnàh'aa Eenjit Chit, GTC ts'at GNWT guuvah geenjit tr'igjìkhè'. Jii t'at nan 10 kilometres agwahchiì gwizhìt gwihèè'ah, ezhii nan eenjit łagwiinaadhan tr'igwiłtsaii nan 1 kilometre agwahchiì gwizhìt gò'àiì gòo jii ejùk t'iheech'ah. Nan ahdàndaiì kat hàh gigjìkhè' t'ee, jii gwitr'it niłtinehch'i' gò'àiì gwizhìt nan khełtok gò'àiì ts'at kaiik'it ehkhee nan 1 kilometre agwahchiì t'agahdahch'aa geenjit tthak ahà' gidiiinù'.

Jùk Jùu Digwiheedyàh:

lisrits'at nan tr'igwahnàh'aa gugwitr'it 2018/19 nagugwihee'ah.

TSEEDHÒH GEENJIT

1. Nan Kak Jidii T'atr'ahdahch'aa Geenjit Nadhàt Kat

GCLCA gwizhìt gò'àiì k'iighè', Nan Kak Jidii T'atr'ahdach'aa Geenjit Nadhàt Kat tr'ooheendał. Nan kak gòo gwit'eh jidii t'atr'ahdach'aa diiyeenjit gò'àiì kat guuveenjit łagwiinaadhan tr'igwiłtsaii gòo nan kak nagiheedadal gòo nan gwit'ih tseedhòh gahałtsaa geenjit gwiłiinindhan ejùk t'igòonch'uu dàì' nan t'atr'ahdahchaa eenjit atr'oodahkat gwi'dinet'èe jii Nan Kak Jidii T'atr'ahdach'aa Diiyeenjit Gò'àiì Eenjit Nadhàt Kat gwizhìt gugwahnàh'ah.

Nan Kak Jidii T'atr'ahdach'aa Eenjit Nadhat Kat Guudagwidjì'è' (NWT) t'at, April 1, 2014 dàì' gug'àiìh. Jii dagwidjì'è' gwinjik, April 1, 2015 dàì' jii Nan Kak Jidii T'atr'ahdach'aa Geenjit Nadhat Kat tr'igwiłtsaii ts'at niłin geenjit nigadhat April 1, 2016 dàì' nigugwinjì'àiì. Yukon k'adagwidaadhat kat gwik'it, jii Nan Kak Jidii T'atr'ahdach'aa Geenjit Nadhat kat eenjit Canada, GNWT tseedhòh gwits'an gałtsih.

Dagweedi'ın': 2015/16:

Geenjit nadhat kat tr'oonjik, GNWT diiyah gugwàandak. Louie Azzolini, Elizabeth Wright, Danny Bayha, Darrell Christie ts'at Mike Vaydik April 1, 2015 jii Nan Kak Jidii T'atr'ahdach'aa Geenjit Nadhat eenjit guutr'òonjik ts'at nagwidadhat ihłoo gwinli' eenjit gwizhìt giheelyah. Nagwidadhat ihłak gwizhìt geenjit dagwidjì'è' ts'at nits'oo gwitr'it gwahałtsaa gałtsaii ts'at April 1, 2016 digigwitr'it eenjit nigugwinii'àiìh. Jii guuzhik GNWT kat geenjit tr'igooheekat tthak gwizhìt nigugwinii'àiìh.

2. Geenjit Nadhàt Kat Gwizhìt Gugwinah'in' Eenjit Diiyah Gugwàandak

2011/12 dàì' jii NWT eenjit nadhàt kat guutsèedhoo goodhài nilii, Canada jii geenjit diiyah gugwaandàk. Ezhik dàì' guutsèedhoo geenjit gò'ài gwizhìt gugwahnah'aa ts'at gwiyeendoo gwiinzii natr'igwahahtsah, Canada geenjit diiyah gugwaandàk. Gwizhìt gugwahnah'aa gwichih jidii gwizhìt gugwahnah'aa gwi'dineht'ee ts'at guutr'oodahkat gwi'dineht'ee chan, Canada guuts'an gahtsàih, jii k'iighè' jii eenjit nadhàt kat guudii gigiheekhyaa geenjit Canada guuts'an gahtsàih. Canada iisrits'at gwizhìt gugwinah'in' ts'at guutsèedhoo geenjit dagwiheedyaa'aa gidiiinù' gwichih geetak t'yah zhìt guuts'at gigjikhè'.

Dagweedi'in': 2015/16 – 2017/18

2015/16 ts'at 2016/17 dàì' IC kat figiljil dàì' Canada akòo diguuvahnuu, gwizhìt gugwinah'in' ts'at digitsèedhoo nits'òo t'agahdahch'aa tr'ahatsaii t'ee tseedhòh eenjit nihkhah gigiheekhyaa gugwihèe'ah. Dagwiheedyaa'aa geenjit gwizhìt tr'igwinah'in, Canada niinzhùk gwiheedhaa giiniindhanh kwaa gòo, nihfnehch'i' k'iighè' guuvah niinzhuk gwichuudhàt.

2017/18 dàì', Canada jii geenjit ahà' gwehdeenjaa gugwihtsaii ts'at NWT geenjit nadhat kat ts'at tr'igjikhè' t'ee tseedhòh dagwahchii geenjit gwits'an tr'ahahtsaa gidiiinù'. Jii GCLCA eenjit nadhat ts'at NWT gwizhìt nan eenjit łagwiinaadhan tr'igwihtsaii guuveenjit gò'ài k'iighè', khaiintsàn' 2017/18 dàì' tseedhòh gwiyeendoo leii guuts'an tr'ahatsàih.

3. Gwizhìt Gwihee'aa Gwitsèedhò'

GCLCA gwizhìt gò'ài gwiniik jii geenjit nadhat kat tthak tseedhòh dagwahchii guuts'an tr'ahahtsaa jii IP gwizhìt gò'ài. Tseedhòh guuts'an tr'ahatsii neekaii geenjit gò'ài gwiniik t'agahdahch'ah: gwitr'it gwitseedhò' t'at, GCLCA gwizhìt gò'ài gwitr'it eenjit t'agahdahch'aa: ts'at gwitr'it ezhii gwitseedhò', jii t'at gwizhìt gò'ài gwitr'it nihfnehch'i' gwitwahahtsaa geenjit t'agahdahch'ah. Gwitr'it ezhii gwitseedhò' t'at yi'eenji' k'adagwidaadhat kat geenjit tseedhòh gidii' jii gwits'an gahahtsah. Tseedhòh dagwahchii nagwidadhat ihtak gwits'an tr'ahatsii gahvidandàì' gwiiniindhan jii Appendix A tr'igwahnah'ah.

4. Yukon Gwinagò'ee Geenjit Łagwiinaadhan Nitr'ihee'aa Gwitsèedhò'

GCLCA gwizhìt, Appendix C, Yukon Gwinagò'ee Geenjit Łagwiinaadhan Tr'igwihtsaii geenjit gò'ài, jùk GTC aii geenjit tseedhòh gwits'an gahtsih kwah. Yukon gwinagò'ee gwa'an Gwich'in Nan gò'ài gwizhìt gwitr'it gugwahahtsaa geenjit tseedhòh ezhii, supplemental funding gugwahnuu, Canada gwits'an gahtsih.

Nagwidadhat 2013 – 2023 gwizhìt dagwiheedyaa'aa gwinuu t'ee nagwidadhat ihtak juutin geenjit tseedhòh dagwahchii diits'an tr'ahahtsaa gahgwihèedandaih; Yukon Gwinagò'ee Geenjit Łagwiinaadhan Tr'igwihtsaii geenjit gwitr'it gugwahahtsaa gwitsèedhoo jii gwizhìt heelyaa ts'at jii gwinagò'ee gwitsèedhò' geenjit łagwiinaadhan gugwahahtsaa, Yukon K'adagwidaadhat kat hàh geenjit gigiheekhyah.

APPENDIX A

Gwizhìt Gwihee'aa Gwitsèedhò'

Jii dagweedi'in' diiyah tr'igwaandak gwizhìt, nagwidadhat gò'aa, nigwihee'aa gwitsèedhò' nits'òo t'atr'ahdahch'aa geenjit jii gwiyeezhak gwidinithit'oh:

2015/16			
Gwizhìt Gwihee'aa Eenjit Gò'aa	Gwitr'it Gwitsèedhò'	Gwitr'it Ezhii Gwitsèedhò'	Tseedhòh Dagwàhchii Tthak
Gwich'in Gwichìt Kat	\$599,140	Tr'oochit Ejùk Natr'igwiitsaii (Gwitoh Gwihuudhat T'ee Nihkhah Tr'igjìkhè'): \$82,556.20	\$1,007,314.20
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$325,618	\$0	\$325,618
Gwich'in Eenjit Tr'igjìkhii Kat	\$50,709	\$0	\$50,709
Gwich'in Nàn ts'at Chuu K'andehtr'inahtii Eenjit Nàdhat Kat	\$843,936	\$0	\$843,936
Gwich'in Nàn Nits'òo T'atr'ahdahch'aa Geenjit Nàdhat Kat	\$310,811	\$0	\$310,811
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$806,541	\$0	\$806,541
Nàgwìchoonjik Gwinagò'ee Agwehdeendal Gwizhìt Tr'igwinah'in Eenjit Nijìlzhii Kat	\$2,796,056	\$0	\$2,796,056

2016/17			
Gwizhìt Gwihèè'aa Eenjit Gòo'aa	Gwitr'it Gwitsèedhò'	Gwitr'it Ezhii Gwitseedhò'	Tseedhòh Dagwàhchii Tthak
Gwich'in Gwichit Kat	\$608,667	Tr'oochit Ejùk Natr'igwiłtsaii (Gwitr'it Gadiitr'oonahatan Gwichit): \$30,000 Ejùk Natr'igwiłtsaii Neekaii (ejùk nigwinjj'aa, GIPP): \$3,767.24 Ejùk Natr'igwiłtsaii Tik (Gwitoh Gwichuudhat T'ee Nihkhah Tr'igjjkhè'): \$86,530.59 Dagwàhchii Ejùk Natr'igwiłtsaih: \$120,297.83	\$1,059,759.83
Nan Gwi'ejjich'ii T'atr'ijahch'uu Guk'atr'inahtii Eenjit Nàdhat Kat	\$330,795	\$0	\$330,795
Gwich'in Eenjit Tr'igjjkhii Kat	\$0	\$0	\$0
Gwich'in Nàn ts'àt Chuu K'andehtr'inahtii Eenjit Nàdhat Kat	\$857,355	\$0	\$857,355
Gwich'in Nàn Nits'òo T'atr'ahdahch'aa Geenjit Nàdhat Kat	\$315,753	\$0	\$315,753
Nan Gwi'ejjich'ii T'atr'ijahch'uu Guk'atr'inahtii Eenjit Nàdhat Kat	\$819,365	Tr'oochit Ejùk Natr'igwiłtsaii (Nin Agwehdèendal Ahdàndaii): \$91,884	\$819,365
Nàgwìchoonjik Gwinagò'ee Agwehdeendal Gwizhìt Tr'igwinah'in Eenjit Nijilzhii Kat	\$2,840,516	\$0	\$2,840,516

APPENDIX A

Gwizhìt Gwihee'aa Gwitsèedhò'

2017/18			
Gwizhìt Gwihee'aa Eenjit Gòo'aii	Gwitr'it Gwitsèedhò'	Gwitr'it Ezhii Gwitsèedhò'	Tseedhòh Dagwàhchii Tthak
Gwich'in Gwichìt Kat	\$747,458	Tr'oochit Ejùk Natr'igwiìtsaii (Gwitr'it Gadiitr'oonahntan Gwichìt): \$30,000 Ejùk Natr'igwiìtsaii Neekaii (ejùk nigwinj'iai, GIPP): \$24,863.86 Ejùk Natr'igwiìtsaii Tik (Gwitoh Gwichuudhat T'ee Nihkhah Tr'igjikhè'): \$100,095 Ejùk Natr'igwiìtsaii Daankat Tseedhòh Dagwàhchii Tr'ahdaatsaa Gwizhìt Tr'igwinah'in Eenjit Ìitr'iljil): \$19,380 Ejùk Natr'igwiìtsaii Ihloogwinli' (Yukon Gwinagòo'ee Geenjit Ìagwiinaadhan Gwitsèedhò': \$357,828.87 Dagwàhchii Ejùk Natr'igwiìtsaii: \$532,167.73	\$1,279,625.73
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$680,000	\$0	\$680,000
Gwich'in Eenjit Tr'igjikhii Kat	\$0	\$0	\$0
Gwich'in Nàn ts'at Chuu K'andehtr'inahtii Eenjit Nàdhat Kat	\$985,958	\$0	\$985,958
Gwich'in Nàn Nits'òo T'atr'ahdahch'aa Geenjit Nàdhat Kat	\$420,753	\$0	\$420,753
Nan Gwi'ejìich'ii T'atr'ijahch'uu Guk'atr'inahtii Eenjit Nàdhat Kat	\$1,019,365	Tr'oochit Ejùk Natr'igwiìtsaii (Dagwiheedyaa Gwiiniindhan Geenjit Ìitr'ijil): \$18,463.45	\$1,037,828.45
Nàgwìchoonjik Gwinagòo'ee Agwehdeendal Gwizhìt Tr'igwinah'in Eenjit Nijilzhii Kat	\$3,440,516	Tr'oochit Ejùk Natr'igwiìtsaii (NWT Hàh Tr'igiheekhyaa Eenjit Nadhàt Gaguutr'oonahntan): \$150,000	\$3,590,516